

Ephesians

Saint Paul, Ephesus gwizhit Gwik'injiighit Najj ts'a' Ch'adaant'oo

1 ¹Shij Paul t'ihchy'aa, Christ Jesus veenjit Tr'ihil'e' ihlii, Vit'eegwijyahchy'aa jyaa doo'ya' shoonyaä geh'an. Ephesus kwaiik'it gwachoo gwizhit Vit'eegwijyahchy'aa k'injiighit najj, nakhwats'a' ch'adanoiht'oo. Jesus Christ vaa ch'ihlak qhlij ts'a' nakhwadrii datthak haa vik'injuhkhit.

²Vit'eegwijyahchy'aa Gwiti' ts'a' K'eegwaadhat Jesus Christ haa ch'eegoonzhrij ts'a' tsinehdan nakhwant'eegoo'aa.

Vit'eegwijyahchy'aa Digii Najj Ts'a' Gwinzii Tr'agwah'ya'

³Vit'eegwijyahchy'aa aji Diik'eegwaadhat Jesus Christ Viti' aji vats'a' mahsi' dohnyaa. Christ vaa ch'ihlak tr'iinlii geh'an zheekat gwats'an jidii nizij datthak, Vit'eegwijyahchy'aa, Ch'anky'aa Shroodiinyaä k'iighai' diits'an iłtsaji. ⁴Jii nan gweheelyaa gwehkij dai' Vit'eegwijyahchy'aa vigii tr'iheelyaa geenjit gwitee tr'idiinaghchij, Christ vaa ch'ihlak tr'iheelyaa, ts'a' diitr'agwaanduu heekwaa ts'a' shroodiinyaä tr'iheelyaa geenjit.

Vich'et'igwiniidhan eh'an, ⁵Vit'eegwijyahchy'aa ch'ada'i' hee Jesus Christ dee'ya' k'iighai' vigii tr'iheelyaa gwiłtsaji, jii t'ee shoo haa gwik'it gooli' niindhan. ⁶Vit'eegwijyahchy'aa diits'a' ch'eegoonzhrij eenjit viyinjiihtr'ahoh'e'. Diits'a' gwint'oo ch'eegoonzhrij tr'agwah'ya', Didinji' gwint'oo eet'iindhan k'iighai' t'ee'ya'.

7Christ vadaa k'iighai' diinonkwat, diitr'agwaanduu oo'an gwahaadlii geenjit. Jyahts'a' t'ee Vit'eegwijyahchy'aa vich'eegoonzhrii diits'a' gwintsii gwagwahkji ts'a',
 8Vit'eegwijyahchy'aa lyaa diits'a' niziji. Vit'eegwijyahchy'aa vigwizhi' gwanlii ts'a' deegwii'in datthak gaandaii geh'an,
 9Vit'eegwijyahchy'aa deehee'yaa niindhan gwik'it t'iizhik, aji deehee'yaa dinjii ch'ihlak gaa gaandaii kwaa, ch'adaj' hee Christ k'iighai' t'iizhik diits'a' gwizhrjh nigwiin'aji. 10Nijin gwik'it goo'ain nagwaatth'at ji', zheekat ts'a' jii nankat haa datthak Christ adah zhrjh gwats'a' k'eedeegwahaadhat, ts'a' kheihlak gwahahtsyyaa.

11Tr'ookit daj' gwats'an Christ vaa ch'ihlak tr'iinlii, Vit'eegwijyahchy'aa vigii tr'ihelyaa eenjit gwitee tr'idiiniinlii. Niighit daj', jyaa diheenjyaa eenjit gwiltsaji, ajits'a' jii datthak gwik'it t'iindhan geh'an gwik'it goodlit. 12Diikhwan Jews tr'iinlii ts'a' tr'ookit Christ vit'injarahchy'aa, ts'a' Vit'eegwijyahchy'aa vich'eegwahndit geenjit viyinjirihoh'ee.

13Nakhwan Jews nilii kwaa naji, zhit Jews naji k'it, nakhwant'ee nakhweenjit gwik'it t'igwiizhik. Gwandak Niziji hi'didlii ajit'ee neenakhwahahshii. Christ vik'injuhkhith ts'a' vaa ch'ihlak dhoodlit. Aji geh'an Vit'eegwijyahchy'aa, deenyaq gwik'it Ch'anky'aa Shroodiinyaq nakhwant'eiin'aji. Ch'anky'aa Shroodiinyaq t'ee Vit'eegwijyahchy'aa vigii qhlij eenjit nakhwagwaahkji.

14Ch'anky'aa Shroodiinyaq tr'ii'ji eenjit Vit'eegwijyahchy'aa jidii diinant'eeegwehee'aa nyaq tr'ooheendal gaagwiindaii. Yeendaa ji' Vit'eegwijyahchy'aa vigii tr'inlii geh'an Christ k'iighai' diineenjit neegwahookwat. Jii geenjit t'ee dinjii naji Vit'eegwijyahchy'aa vich'eegwahndit eh'an gwintsii giyinjihil'ee.

Ephesus Gwik'injiighit Naji Tr'ookit Gooveenjit Khadigiinjii Daj'

15Jii geh'an nijin Vit'eegwijyahchy'aa vigii naji datthak eet'ohthan, ts'a' K'eeegwaadhat Jesus vik'injuhkhith nakhweegwihth'ak daj', 16khadigihjii datthak nakhwanaldaii t'oonchy'aa, Vit'eegwijyahchy'aa nakhweenjit mahsi' vaihnyaq. 17Vit'eegwijyahchy'aa, Diik'eeegwaadhat Jesus Christ Viti' lyaa gwintsii veegoo'ain, Ch'anky'aa Shroodiinyaq nakhwant'eeegwehee'aa, ts'a' gwandaa vaakhwandaii eenjit vigwizhi' khwa'yaa ts'a' nakhwats'a' gwagwahahkyaa geenjit, vats'a' khadigihijyaa. 18Jii deegwinyaq t'igwinyaq gaakhwandaii

eenjit nakhweenjit khadigihjii. Vit'eegwijyahchy'aa vigii hohlyaa geenjit nakhoozhrii ts'a' jii jidii gwinzii nakhweenjit gwii'ii ajiit'ee lyaa nakhwats'an hahtsyaa, jii lyaa gwintsii digii naji ant'eehiah'aa nyaq aji deegwahtsii t'ahnyaq vaakhwandaii eenjit nakhweenjit khadigihjii. ¹⁹Diikhwan vik'injiriighit deegwaht'oo niint'aii vaakhwandaii geenjit nakhweenjit khadigihjii. ²⁰Nijin Christ ineegwildaai dai', aji t'aih t'ee t'aahchy'aa, Vit'eegwijyahchy'aa zheekat Christ dishriits'aji naqhchii. * ²¹Zheezhit jidii ch'ankey'aa niint'aii naji datthak andaa gaa Christ k'eegwaadhat. Juu gwintsii veegoo'aii ts'a' khaihkwaii nilii naji datthak gaa goovandaa Christ voozhri' daat'oo, juk akwat yeendaa ji' gaa jyaa diheechy'aa. ²²Christ jidii datthak ts'a' k'eegwahaadhat eenjit Vit'eegwijyahchy'aa t'aih yant'eiin'aji. Ajiits'a' tr'igiinkhii zheh gwik'injiighit nilii naji datthak gwakhaihkwaii yiitsaji. ²³Tr'igiinkhii zheh t'ee Christ vatthaj' k'it t'inchy'aa, aji gwik'it diikhwan t'ee diikhaihkwaii nilii ts'a' vigii tr'iinlii. Tr'igiinkhii zheh, Christ vat'aii haa goo'aii, Christ t'ee jidii datthak akwat nijin datthak gwinzii gwiltsaji.

Vit'eegwijyahchy'aa Vich'eegoonzhrii Haa Neediinahshii

2 ¹Christ vik'injahohkhit gwehkji dai', Vit'eegwijyahchy'aa deenyaq gwik'eegohthat kwaa, ts'a' nakhwatr'agwaanduu gwanlii geh'an noodhat k'it t'ohchy'aa. ²Jii nankat dinjii naji k'it tr'agwaanduu t'akhwa'ya', Satan k'eegohthat ts'a' zhit juu zheezhit ch'ankey'aa iizuu naji datthak chan k'eegohthat. Satan chan juu Vit'eegwijyahchy'aa k'eegwahthat kwaa naji ts'a' k'eedeegwahaadhat gwik'eegwandaii. ³Christ k'injireheeghit gwats'a' dai' diikhwan t'ee gaa gwik'it t'igwee'ya', jidii tr'agwaanduu ninjich'aradhat ts'a' tr'agwaanduu t'agoo'ya' gwiindhan gwik'it t'igwee'ya'. Diigoodlit dai' gwats'an, tr'agwaanduu t'agoo'ya' gwiindhan, juu tr'agwaanduu tr'agwah'ya' naji k'it Vit'eegwijyahchy'aa diigwaqshshii ts'aji gweheezyaa. ⁴Gaa Vit'eegwijyahchy'aa vich'eet'igwiniindhan jiintsii ts'a' neeshraahchy'aa diinoonya q geh'an, ⁵Christ k'iighai' neediinahshii ts'a' gwandaii k'eejit neediiniitsaji. Izhit dai' Vit'eegwijyahchy'aa vik'eegwarahthat kwaa ts'a' diitr'agwaanduu gwanlii geh'an

* 1.20 Nijin dinjii shriits'aji nahchik dai', ajiit'ee hil'ee t'oonchy'aa.

niriindhat k'it t'oonchy'aa. Gaa nihk'it Vit'eegwijyahchy'aa nakhwats'a' ch'eegoonzhrii k'iighai' neediinahshii. ⁶Christ vaa ch'ihlak tr'iinlii geh'an Vit'eegwijyahchy'aa niriindhat gwats'an neediigwahdaii, aji zhit geh'an juk gwarandaii ts'a' zheekat Christ veeghah tr'aadii k'it t'oonchy'aa ts'a' gook'eegwarahahtat eenjit Vit'eegwijyahchy'aa, Christ haa nidiinahchii. ⁷Juk akwat ye'eendaa ji' Christ Jesus k'iighai' gehdaa kwaa dich'eegoonzhrii zhit ch'eet'igwiniindhan di'ji gaagweheendaii eenjit dinjii naji ts'a' gwigweeki. ⁸Vit'eegwijyahchy'aa vich'eegoonzhrii k'iighai' gwik'injiriighit geh'an neediinahshii. Gwinzii gwitr'it t'agwarah'in k'iighai' neediinahshii kwaa gaa Vit'eegwijyahchy'aa jidii diinant'eegwiin'aji zhit gwizhrh. ⁹Gwinzii gwitr'it t'agwarah'in k'iighai' Vit'eegwijyahchy'aa neediinahshii kwaa, ts'a' geenjit ch'ihlak gaa shakhai' t'ishizhik doony'a' shrq'! ¹⁰Vit'eegwijyahchy'aa jidii tr'iinlii aji diiniłtsaji, veenjit gwinzii gwitr'it tr'agwarahah'yaa eenjit Christ Jesus haa ch'ihlak diiniłtsaji, ts'a' gwandaii k'eejit diinant'eiin'aji. Jii kwaii ch'adaji' hee deegwehee'yaa diineenjit shrigwiinlik.

Christ Zhit Ch'ihlak Tr'iinlii

¹¹Aji geh'an Jews naji, Jews qhji kwaa geh'an nakhwadhah gihleetr'ihilt'uu kwaa nakhwagahnyaa gaanoondaii, Jews naji goodhah gihleehilt'uu adagaanyaa. Ts'a' goodhah gihleerihilt'uu geh'an Vit'eegwijyahchy'aa vats'an tr'iinlii ginyaa. Jews qhji chy'aa ganoondaii. (Gaa diitthaji' gihleerahaht'ii t'ee dinjii tthaji' zhrih gihleerahaht'ii t'agwarahnyaa.) ¹²Izhit daji' Christ veh'ok aakin qhji k'it t'ohchy'aa gaanoondaii ts'a' Vit'eegwijyahchy'aa gwitee tr'anakhweeinlii kwaa, Vit'eegwijyahchy'aa, Jews naji haa nihleenjit deegwehee'yaa nihlagaanyaa aji gwitee qhji kwaa. Jii nankat gwidinjii naji k'it ghodaii ts'a' Vit'eegwijyahchy'aa vaakhwandaii kwaa ts'a' gwandaii ndaanaa'aji' khwa'ji kwaa. ¹³Izhit daji' Vit'eegwijyahchy'aa veh'ok niighit gwa'an t'ohchy'aa ajit'ee juk Christ Jesus vaa ch'ihlak qhji. Christ vadaa k'iighai' Vit'eegwijyahchy'aa vats'a' niighit kwaa t'ohchy'aa.

¹⁴Christ adan zhrih, Jews ts'a' Jews nilii kwaa naji haa kheihlak iltsaji ts'a' tsinehdan diihaar iltsaji. Nihit'injii'ee aji diileegwahaa'aii ts'a' ch'ihlak diiniłtsaji. ¹⁵Christ niindhat k'iighai', Jews goo-law gwanlii gwik'eegwarahahtat goo'aii gwigwii'ji,

datthak an gwiłtsajj. Ajj gwik'iighai' ideenjit Jews akwat Jews nilii kwaa najj kheirok iltsajj ajj ts'an nahkat ch'ihłak k'eejit gwiłtsajj. Jyaa diizhit ts'a' goodeetak tsinehdan goodlit. ¹⁶Cross kat niindhat k'iighai', Jews ts'a' Jews nilii kwaa najj haa kheirok iltsajj gwiizhit nihłitr'igihee'ee kwaa geenjit Vit'eegwijyahchy'aa haa nineegoovinlii. ¹⁷Nakhwan Jews qhłj kwaa najj Vit'eegwijyahchy'aa veh'ok niighit nadhoozhii ajjts'a' diikhwan Jews tr'iinlii najj Vit'eegwijyahchy'aa veeghaii nirilzhii. Christ jii nankat gwats'a' haazhii daj' ts'a' dinjii najj haa tsinehdan nihłaa giheelyaa geenjit Gwandak Nizj zhit geech'qaqhtan. ¹⁸Christ dee'in k'iighai' Jews, akwat Jews nilii kwaa najj nihłaa Ch'ankey'aa Shroodiinyaq zhit ch'ihłak, tr'iinlii haa Gwiti' veeghaii nireheeda.

¹⁹Ajj geh'an t'ee nakhwan Jews nilii kwaa najj, aakin akwat ch'adanh nahkat gwats'an qhłj kwaa, gaa Vit'eegwijyahchy'aa vats'an dinjii najj haa nahkat gwats'an ch'ihłak qhłj k'it t'ohchy'aa. Juk Vit'eegwijyahchy'aa vizhehk'aa gwats'an qhłj. ²⁰Nakhwan t'ee juu Tr'ihil'e' najj ts'a' Vit'eegwijyahchy'aa Eenjit Ginkhii najj geech'qaqhtan kii kat zeh gwigwiłtsajj k'it t'ohchy'aa. Christ Jesus ajj kii choo zeh ndak goot'a' k'it t'inchy'aa. ²¹Christ vik'iighai' diikhwan gwik'injiriighit najj gwinzii nihłaa gwitr'it t'agwarah'in gwiizhit, K'eegwaadhat veenjit Kharigidiinjii Zeh shroodiinyaq gwiriltsajj k'it t'oonchy'aa. ²²Christ vaa qhłj geh'an ch'izhii gwik'injiighit najj datthak haa nanakhwinlii, Ch'ankey'aa Shroodiinyaq t'aih k'iighai' Vit'eegwijyahchy'aa vizheh gwizhit t'ahohchy'aa.

Paul, Jews Nilii Kwaa Najj Tee Gwitr'it T'agwah'in

3 ¹Shj Paul t'ihchy'aa, Vit'eegwijyahchy'aa vats'a' nakhweenjit khadigihjii, Christ Jesus gwitr'it shant'eegwiin'ajj t'ishi'in, Jews nilii kwaa najj nakhwats'a' Gwandak Nizj gwaldak geh'an zeh gwaazhraj dhidii. ²Jii gwitr'it nizj nakhweenjit t'ishi'yaa Vit'eegwijyahchy'aa vich'eegoonzhrii haa shant'eegwiin'ajj gahohth'ak gwizhrjh. ³Vit'eegwijyahchy'aa jii gweentak deehee'yaa shats'a' gwigweekjii. (Jii dehtly'aa zhit ajj nakhwats'a' danoiit'oo, ⁴ajjts'a' jii nakhwats'a' ch'adanajj'oo nqh'in ji', Vit'eegwijyahchy'aa, Christ deehee'yaa nyq vaashandaii gaakhwandaii.) ⁵Gwehkjii daj' Vit'eegwijyahchy'aa jii gweentak deehee'yaa ajj dinjii najj ts'a' gwizhrjh nagwa'aii kwaa. Gaa juk

Ch'anky'aa Shroodiinyaꝯ k'iighai' Tr'ihil'e' shroodiinyaꝯ nꝯjꝯ ts'ꝯ' Vit'eegwijyahchy'aa Eenjit Ginkhii nꝯjꝯ ts'ꝯ' gwigweeꝯkꝯjꝯ. ⁶Jii t'ee gwehkꝯjꝯ Vit'eegwijyahchy'aa ch'ihꝯee gaa haa gwandak kwaa t'oonchy'aa, ꝯjꝯt'ee Gwandak Nizꝯjꝯ k'iighai' Jews nilii kwaa nꝯjꝯ Vit'eegwijyahchy'aa vich'eegoonzhrii nakhwats'an heelyaa, ts'ꝯ' Jews gwik'injiighit nꝯjꝯ chan gwik'it t'ihꝯeelyaa. Gwik'injiighit nꝯjꝯ Christ vatthꝯjꝯ' ch'ihꝯak k'it t'ohchy'aa. ꝯjꝯt'ee tr'igiinkhii zheh t'agwarahnyaꝯ.

⁷Shꝯjꝯ Vit'eegwijyahchy'aa vitsyaa ihꝯii, vich'eegoonzhrii ts'ꝯ' vat'aii haa jii Gwandak Nizꝯjꝯ eech'oohaꝯchyaa geenjit shantꝯ'eegwiin'ꝯjꝯ. ⁸Vit'eegwijyahchy'aa vats'an dinjii nꝯjꝯ datthak shandaa hil'ee, ꝯjꝯ gaa Vit'eegwijyahchy'aa vich'eegoonzhrii zhit Jews nilii kwaa nꝯjꝯ ts'ꝯ' Gwandak Nizꝯjꝯ gwahaꝯchyaa geenjit shantꝯ'eegwiin'ꝯjꝯ. Jii Gwandak Nizꝯjꝯ datthak ꝯyaa dinjii nꝯjꝯ gaaheendaii geenjit gwiintsii. ⁹Dinjii nꝯjꝯ datthak, nats'ꝯꝯ Jews nilii kwaa nꝯjꝯ Vagwandak Nizꝯjꝯ gavaa gwaldak ꝯjꝯ gwigwitr'it shantꝯ'eegwiin'ꝯjꝯ. Vit'eegwijyahchy'aa jidii datthak iꝯtsꝯjꝯ, deenaadaꝯjꝯ' gwats'an jii deehee'yaa ꝯjꝯ dinjii nꝯjꝯ ts'ꝯ' tth'aii gwagwahkꝯjꝯ kwaa, ¹⁰juk gweendaa tr'igiinkhii zheh nineedal nꝯjꝯ k'iighai' zheezhit jidii ch'anky'aa niint'aii nꝯjꝯ datthak deegwaht'oo Vit'eegwijyahchy'aa vigwizhi' gwanlii haa nihꝯehts'i' gwilii t'ii'in gaageheendaii geenjit t'iizhit. ¹¹Nan hahtsyaa gwats'ꝯ' niighit daꝯjꝯ, Diik'eegwadhat Christ Jesus k'iighai', Vit'eegwijyahchy'aa jyaa dishi'yaa nindhan gwik'it t'iizhik. ¹²Christ vik'injiriighit ts'ꝯ' vaa ch'ihꝯak tr'iinlii geh'an Vit'eegwijyahchy'aa vataꝯjꝯ tr'aanjat kwaa ts'ꝯ' vaa tr'eedaa. ¹³Jii nakhweenjit khaiinjich'ishiighit, geh'an Christ vigwitr'it akhagohnyaꝯ' shrꝯ', datthak ts'ꝯ' gwats'an gaiiꝯiigohtsii t'oonchy'aa.

Christ Vich'eet'igwiniindhan

¹⁴Jii geh'an datthak nakhweenjit Gwiti' vats'ꝯ' nikiigwaꝯ'ee ts'ꝯ' khadigihjii. ¹⁵ꝯyaa Diiti' nilii geh'an zheekat gwich'in, nankat gwich'in haa zhehk'aa ch'ihꝯak tr'iinlii t'oonchy'aa. ¹⁶Dinjii gwik'injiighit nꝯjꝯ datthak eenjit ch'eegoonzhrii gwint'oo gwil'iꝯjꝯ. Jii kwaii geenjit khadigihjii, nakhwadrii zhit nakhwat'aii gweheelyaa geenjit Ch'anky'aa Shroodiinyaꝯ t'aih nakhwats'an gwahahtsyaa. ¹⁷ꝯjꝯts'ꝯ' chan khit nakhwadrii zhit Christ t'ihꝯeelyaa geenjit nakhweenjit khagidihjii. Datthak

vik'injuhkhith geh'an Vit'eegwiyahchy'aa veenjit ts'a' nihleenjit haa ch'et'igwiniindhan akhwa'ij, jii t'ee nakhweenjit t'aih heelyaa. ¹⁸Jii gwik'iighai' nakhwan datthak ts'a' Vit'eegwiyahchy'aa vigii naji haa deegwaht'oo Christ diineenjit ch'et'igwiniindhan ndaanaj'aj' kwaa di'ij gaagwiindaii. ¹⁹Gaagwiindaii googaa nik'it deegwaht'oo Vit'eegwiyahchy'aa diineet'iindhan gwinzii datthak gaagwiindaii kwaa t'oonchy'aa, gwinzii gaakhwandaii geenjit Vit'eegwiyahchy'aa vats'a' khagidihjii, aji gwik'iighai' Vit'eegwiyahchy'aa vik'it dinjii khohlyaa geenjit.

²⁰Jidii eenjit ch'oorahkat akwat jidii eeninjich'aradhat kwaii datthak andaa Vit'eegwiyahchy'aa t'aih di'ij aji haa t'ee diizhit t'aih gwanlii t'oonchy'aa. ²¹Christ Jesus k'iighai' ts'a' tr'igiinkhii zeh haa gwintsii t'igee'ya' geenjit viyinjirihoh'ee, yeena ts'a' khith geenjit Vit'eegwiyahchy'aa eenjit viyinjirihoh'ee! Amen!!

Gwik'injiriighit Zhit Nats'aj Christ Vaa Kheihlak Tr'inlii

4 ¹Jii jidii geenjit nakhwats'a' ch'adanoiht'oo datthak K'eegwaadhat vigwitr'it t'agwa'in geh'an zeh gwaazhräji dhiidii. Datthak ts'a' gwinzii t'akhwa'yaa gwizhrh t'akhwa'in, Vit'eegwiyahchy'aa deekhwa'ya' nakhoonyaa gwik'it gwizhrh t'akhwa'in. ²Deekhwa'in datthak gwizhit khazhak qhij ts'a' nakhwane'ok dinjii naji ts'a' nakhweeshroonchy'aa. Nihleenjit khadhoochi' kwaa ts'a' nihleenjit ch'et'igwiniindhan akhwa'ij haa nijin ch'ats'a' t'akhwa'in daji, nihlehts'a' zhoonts'ij kwaa. ³Ch'anky'aa Shroodiinyaaj kheihlak nakhwiltsaji t'oonchy'aa, tsinehdan zhit nihaa t'ahohchy'aa geenjit nakhwat'aii haa gwik'eegohdaii. Jyachts'a' gwik'iighai' ch'ihlak hohlyaa geenjit. ⁴Diikhwan gwik'injiriighit ts'a' Christ zhit kheihlak tr'inlii ts'a' datthak Vit'eegwiyahchy'aa vats'an Ch'anky'aa Shroodiinyaaj tr'ii'ij, nijin Christ vik'injireheeghit geenjit gwiteetr'idiinaahchij daji, jidii nizij kwaii diinant'eehee'aa nyaaj aji gwik'it t'ihhe'yaa vaagwiindaii. ⁵Datthak ts'a' K'eegwaadhat ch'ihlak zhrh tr'ii'ij, gwik'injigwiighit ch'ihlak zhrh k'injigwiighit, datthak ts'a' nihhikhit chu diits'an dhidlit. ⁶Vit'eegwiyahchy'aa ch'ihlak zhrh ts'a' nikiigwarah'ee, aji ts'a' datthak Diiti' nilii. Datthak ts'a' diits'a' K'eegwaadhat gwiizhit gwitr'it t'agwarah'in geenjit garadhan diits'an ahtsij ts'a' diizhit t'inchy'aa.

⁷Gaa Christ aji diitee gwagwaanchy'aa ts'a' veenjit nihlehjuk gwitr'it gwinzii t'agwarahah'yaa diits'an gwiltsaji. Adan

nats'ahts'a' gwitr'it gwinzii diinant'eegoolyaa niindhan gwik'it diiteegwaadlii. ⁸Dęhtly'aa Choh zhit jyaa digwinyaa,

“Nijin zheezhit gwikiit'ik gwiintsii geegoo'aii gwits'eehoozhii daj', vijyaa yiinlii kwaa gaiigooviltsajjı najjı dahaa neehaadlii.

Ajıts'a' k'aiich'ii nizjı dijyaa najjı ts'an iltsajjı.”

⁹Dęhtly'aa Choh kat dagwanakhwat'oo daj', “Zheezhit gwikiit'ik gwiintsii geegoo'aii gwits'eehoozhii,” gwinyaa ajjı deegwinyaa t'igwinyaa? Ajjıt'ee ch'adaj' hee Christ dzaa nankat dhidii geh'an t'igwinyaa. ¹⁰Jii dinjii, juu zheezhit gwikiit'ik gwiintsii geegoo'aii gwats'an dzaa nankat gwats'a' haazhii t'ee dinjii ch'ihlak t'arahnyaa. Jidii datthak İyaa gwinzii gwahahtsyaa geenjit.

¹¹Christ t'ee dinjii najjı gwitr'it nihlehjuk t'iichy'aa ts'an iltsajjı ajjı haa Vit'eegwijyahchy'aa eenjit tr'agwagwahaah'yaa geenjit. Dinjii lat Tr'ihıl'e' iltsajjı, ts'a' dinjii lat chan Vit'eegwijyahchy'aa Eenjit Ginkhii iltsajjı. Dinjii lat najjı Gwandak Nizjı eech'qaahtan iltsajjı ts'a' gwik'injiighit najjı k'eegahtii ts'a' geegqaahtan iltsajjı. ¹²Ajıts'a' Vit'eegwijyahchy'aa vigii najjı giyeenjit gwitr'it t'agwahah'yaa geenjit shriitr'agwiin'ajjı. Ajjı tr'igiinkhii zheh t'ee Christ vigii giinlii ts'a' ndak gwahahtth'aa geenjit t'ii'in. ¹³Ajıts'a' Vit'eegwijyahchy'aa Vidinji' vik'injiriighit ts'a' vaagwiindaii haa kheihlak tr'iheelyaa ts'a' Christ deegoo'ya' diinoonyaa gwik'it t'igwii'in haa diigwik'injigwiighit heent'aii.

¹⁴Izhit ji' duuyeh tr'iinin k'it t'igwinchy'aa, dinjii oots'it haa geech'qaahtan ts'a' tsindeediinahkaii najjı duuyeh gwiizıı t'igwii'in diigahtsii. Duuyeh chan tr'ihchoo chıı kat ahtr'aii choo haa tit neeteeyahahchik yahtsii k'it t'igwii'in. ¹⁵Vit'eegwijyahchy'aa İ'didlii haa veegwarookhyaa, ts'a' nihleenjit ch'et'igwiniindhan haa t'agoq'ya', jyahıts'a' Christ, tr'igiinkhii zheh gwats'a' k'eegwaadhat gwandaa vaa kheihlak tr'iheelyaa ts'a' t'aih tr'ihıe'yaa. ¹⁶Ch'at haa tth'an nihloontı k'it Christ juu yik'injiighit najjı nihıaa nilii. Datthak gwinzii nihıaa gwitr'it t'agwagwah'in ji', gahaqshii ts'a' chan giheent'aii. Jyahıts'a' t'ee tr'igiinkhii zheh t'oonchy'aa. Tr'igiinkhii zheh nineedal najjı nihleenjit ch'et'igwiniindhan giı'jı zhit nihıaa tr'agwagwah'in ji', tr'igiinkhii zheh, Christ vat'aii haa ndak İagwahaatth'aa.

Christ K'iighai' Ch'ijuk Dinjii Tr'iinlii

¹⁷Jii it'ee K'eegwaadhat voozhri' zhit deekhwa'in kwaii akhagoonyaa nakhwaihnyaa t'ihnyaa. Zhyaa k'ii'an ninjich'agadhat

haa dinjii Vit'eegwijyahchy'aa haandaii kwaa k'it gohdaii kwaa. 18 Tr'agwaanduu ninjich'agadhat geh'an Vit'eegwijyahchy'aa gwinzii haagiindaii kwaa. Gookii tth'an dach'at geh'an Vit'eegwijyahchy'aa vats'an gwandaii k'eejit chan giilii kwaa ts'a' Vit'eegwijyahchy'aa vataji chan gaagiindaii kwaa. 19 Nijin tr'agwaanduu t'igii'in dai' geenjit lyaa oozhii giinlii kwaa, ts'a' tr'agwaanduu zhr̄ih t'asho'ya' giindhan, ts'a' nih̄ehjuk datthak dinjii naji ts'a' tr'agwaanduu googwitr'it gwanlii ts'a' jyaa gwizhr̄ih digii'in.

20 Nakhwan aji nijin Christ vaakhwandaii dhoodlit dai', jyahts'a' t'akhwa'yaa t'anakhwaihnyaa kwaa. 21 Datthak ts'a' veegohtht'ak ts'a' Gwandak Nizii zhit hi'didlii haa Jesus eenakhwaroohtin gaashandaii. 22 Neehohshii gwehkii dai' nats'aa dinjii qh̄ii chy'aa akhagoonyaa nakhwagahnyaa. Tr'agwaanduu tr'agwaroh'ya' zhr̄ih nothhan aji tsinteenakhwahkaii ts'a' jyaa gwizhr̄ih t'akhwa'ya' nothhan, aji tr'agwaanduu gwigwitr'it zhr̄ih t'akhwa'in nakhwahtsii. 23 Nats'aa ninjich'qh̄that ts'a' nakhwadrii zhit doonchy'aa datthak t'ee Vit'eegwijyahchy'aa ch'ijuk neenakhwahahtsyaa gwizhr̄ih. 24 Vit'eegwijyahchy'aa ch'ijuk dinjii qh̄ii nakhwitstaii aji vik'it t'ahohchy'aa, gwizhr̄ih. Aji ts'a' datthak ts'a' ch'ijuk dinjii qh̄ii zhit K'eegwaadhat k'eegohthat ts'a' tr'agwaanduu nakhwagwitr'it neegooli' shr̄o'!

25 Chan oiints'it kwaa, gwik'injiighit naji hi'didlii haa nihts'a' goohohkhyaa gwizhr̄ih, datthak ts'a' Christ zhit ch'ihlak tr'iinlii geh'an. 26 Nakhwak'ii gwanlii ji' gwiizhit tr'agwaanduu nakhwagwitr'it gooli' shr̄o'! Drin ch'ihlak gwizhit datthak nakhwak'ii gooli' shr̄o'! 27 Jyahts'a' t'ee Ch'an'ky'aa Tr'aanduu tsinteenakhwahahkaii gwits'i' gwak'qohtii t'oonchy'aa. 28 Dinjii ch'an'ii chan neech'iheen'ii kwaa gwizhr̄ih, gaa gwitr'it t'agwahah'yaa k'iighai' dak'ahaantyyaa. Jyahts'a' gwik'iighai' laraa tr'ooniindhat di'ii haa dinjii neeshraahchy'aa naji ts'iheenjyaa geenjit. 29 Ginjik iizuu haa nihts'a' gookhyaa shr̄o', gaa ginjik vaahoh't'aii gahohtsyaa haa nihts'a' gohkhi, gwit'eegwaahchy'aa dai', juu nook'ii naji goots'ahohjyaa geenjit ginjik nizii haa goots'a' gohkhi. 30 Aji ts'a' Vit'eegwijyahchy'aa vats'an Ch'an'ky'aa Shroodiinyaa tr'igwidii ohtsyaa shr̄o'! Vit'eegwijyahchy'aa vats'an qh̄ii gaahahkhwandaii geenjit jii Ch'an'ky'aa Shroodiinyaa nakhwats'an iłtsaii t'inchy'aa, ts'a' dahthee Vit'eegwijyahchy'aa

tr'agwaanduu gwats'an tr'ineenakhwaheelyaa gwats'ą' datthak, ąjį Ch'ankey'aa Shroodiinyąą nakhwaa heelyaa t'inchy'aa. ³¹Jii kwaii datthak jyaa dahohchy'aa kwaa gwizhrįh, ch'izhii dinjii ąjį zhyaa atr'oiin'ee shro', goots'ą' zhyaants'įį ts'ą' nik'įį gooli' shro'! Dinjii ąjį zhyaa ch'ats'ą' t'oiinyą' shro'! Dinjii ąjį ts'ą' gwiizųų goiinkhyaa shro', ts'ą' goots'ą' nakhwagwitr'it oozųų shro'! ³²Gaa nihęhts'ą' gwinzii nakhwagwitr'it gwanlii ts'ą' nihęeshrohthan, juu nats'ą' gwiizųų t'ii'in chan gooveenjit ganoondee, Christ zhit Vit'eegwijyahchy'aa nakhwatr'agwaanduu nakhweenjit oo'an gwahaadlii gwik'it.

Gwik'injiriighit ts'ą' Vich'eegwąhndit

Zhit Gwireheendaii Gwizhrįh

5 ¹Vit'eegwijyahchy'aa vigii qhįį ts'ą' gwint'oo nakhweenjit ch'et'igwiniindhan di'įį geh'an, vik'it dinjii hohlyaa gwizhrįh. ²Ninee'ok dinjii ąjį eenjit khit ch'et'igwiniindhan akhwa'įį, Christ diineet'iindhan ts'ą' diineenjit niindhat gwik'it. Christ diineenjit Vit'eegwijyahchy'aa ts'ą' gwint'ee daachįį shooahtsyaa geenjit, gwanzhįh chų' gwinzii vagwaatsan k'it veenjit t'iiyiinchy'aa geh'an.

³Vit'eegwijyahchy'aa vigii qhįį geh'an gwiizųų ky'aa nihęaanagoh'aa shro', ts'ą' oozhii adats'an hohtsyaa ky'aa tr'agoh'ya' shro', ts'ą' gwadal lejį zhřįh ashoo'į' nqhkhyaa shro'! Jyaa dakhwa'in nakhwarahnyąą ts'ą' nakhweegarookhyaa shro'! ⁴Datthak ts'ą' tr'agwaanduu gohkhyaa shro' akwat tr'agwaanduu dloodohdlii shro'! Gaa nakhwaghit haa Vit'eegwijyahchy'aa mahsį' vohnyąą. ⁵Jii lyaa gaakhwandaii gwizhrįh! Dinjii juu gwiizųų ky'aa dinjii haa nigwii'ąjį akwat oozhii ts'į' nilii ts'ą' gwadal lejį zhřįh ashoo'į' niindhan ąjį, duuyeh Christ ts'ą' Vit'eegwijyahchy'aa haa Veegwinii'ee nihdeegijyaa ts'ą' Vit'eegwijyahchy'aa jidii diinant'eehe'e'aa nyąą kwaii duuyeh goots'an nilii. Gwadal lejį tr'oo'i' gwiindhan t'ee nik'iteelstį' ts'ą' kharigidiinjii haa nihk'it t'oonchy'aa. Dinjii jyaa dii'in t'ee Vit'eegwijyahchy'aa andaa jii kwaii gwigwihį'ee t'oonchy'aa.

⁶Dinjii zhyaa k'ii'an ginkhii ąjį tsinteenookaii shro'! Jii jidii eeginkhii kwaii t'akhwa'in ji', Vit'eegwijyahchy'aa niighit kwaa nakhwagwahahshii t'oonchy'aa. ⁷Juu dinjii jyaa dii'in ąjį goovaa qhį' shro'! ⁸Gwehkįį dąj' tųų gwizhit gųhdaii geh'an, juk

K'eegwaadhat vaa khaihłak qhłıj ts'a' vich'eegwaḥndit gwizhit nihdoojil t'oonchy'aa, aji geh'an vich'eegwaḥndit zhit goḥdaii ky'aa dinjii qhłıj. ⁹Jii geh'an jyaa dihnyaḥ t'ihnyaḥ, ch'eegwaḥndit t'ee dinjii naji nihłaa goovaashroonchy'aa aḥtsii ts'a' K'eegwaadhat k'injiighit ts'a' k'eegwaḥthat, aḥtsii ts'a' li'didlii zhit gwagwandaii aḥtsii t'oonchy'aa. ¹⁰K'eegwaadhat jidii t'akhwa'ya' nakhoonyaa aji shoohohtsyaa gwik'eegohdaii. ¹¹Dinjii tr'agwaanduu t'igii'in naji toḡ gwizhit gwagwandaii aji gook'it t'akhwa'ya' shro', gaiiyigwagwahtsii t'igii'in kwaa. Aji googaa ch'izhii dinjii naji gwiizuu t'igii'in geenjit goovaagoondak. ¹²Dinjii gwik'injiighit kwaa naji gook'eerantii kwaa da'i' gwitr'it iizuu t'agwagwah'in aji gooveegirinkhii geenjit gaa goo'oozhii aḥłıj. ¹³Gaa nijin dinjii andah nats'aḥ googwitr'it gwanlii googah'in da'i' jidii k'it t'inchy'aa dinjii giinlii goovaagiindaii. ¹⁴Jyaḥts'a' geh'an jii jyaa diginyaḥ:

“Dhohchuu kwaa ts'a' khakeekhwa'aji dinjii iłchii k'it t'akhwa'in kwaa,
gaa dinjii gwinzii gwandaii k'it t'akhwa'in!
Aji ts'a' Christ vich'eegwaḥndit nakhwadrii zhit haadrii t'oonchy'aa.”

¹⁵Aji ts'a' deekhwa'in adak'oqontii, tr'agohjik ky'aa gwitr'it t'agoh'ya' shro' gaa dinjii goonzhii k'it t'akhwa'in. ¹⁶Nijin gwinzii t'akhwa'yaa geenjit nakhwaa nagwaanaji ji', gwik'it t'akhwa'in. Juk gweendaa dinjii lejii naji tr'agwaanduu googwitr'it gwanlii t'oonchy'aa. ¹⁷Aji ts'a' dinjii tr'igwinjik ky'aa gwitr'it t'agwah'in k'it t'akhwa'ya' shro' gaa K'eegwaadhat deekhwa'ya' nakhoonyaa gaakhwandaii gwik'it t'akhwa'in.

¹⁸Kwanchu' jak haa iłtsaji haa dach'anooni' shro', ch'anarooni' da'i' gwinzii gwarandaii kwaa. Gaa Ch'ankey'aa Shroodiinyaḥ deekhwa'ya' nakhoonyaa gwizhrih t'akhwa'in. ¹⁹Vit'eegwijyahchy'aa vich'ilik nihłehts'a' qhłıj, vaa t'aih nihts'an hohtsyaa geenjit. K'eegwaadhat viyinjiihoh'ee geenjit nakhwadrii datthak ts'an ch'ilik qhłıj. ²⁰K'eegwaadhat Jesus Christ voozhri' zhit Vit'eegwijyahchy'aa Gwiti' jidii datthak geenjit khit mahsi' vohnyaḥ!

Ch'akai' ts'a' Goo'at Haa Deehee'yaa Goo'aii

²¹Christ viyinjiihoh'ee geh'an, deenihoonyaa nik'eegohdhat.
²²Ch'a'at naji, nakhwakai' deenakhwahnyaḥ vik'eegohthat, K'eegwaadhat vik'eegohthat gwik'it. ²³Ch'akai' naji t'ee daga'at

eenjit khaihkwaii giinlii. Christ tr'igiinkhii zheh geenjit khaihkwaii nilii ts'a' tr'igiinkhii zheh t'ee Christ vatthaj' t'inchy'aa ts'a' adan t'ee neediinahshii t'inchy'aa. ²⁴ Ajjits'a' tr'igiinkhii zheh, Christ K'eegwaadhat k'eegwagwahthat gwik'it ch'a'at najj nakhwakai' deenakhwa'yaa datthak gook'eegohthat.

²⁵ Ch'akai' najj nakhwa'at eenjit ch'et'igwiniindhan akhwa'ij. Christ tr'igiinkhii zheh nineedal najj eenjit ch'et'igwiniindhan di'ij ts'a' neegoohahshii geenjit gooveenjit niindhat gwik'it.

²⁶ Shroodiinyaa khohlyaa geenjit datr'igiinkhii zheh geenjit niindhat. Chuꝰ nakhwats'an ahtsii ts'a' diginjik haa nakhwak'eechy'ahtryaa. ²⁷ Tr'igiinkhii zheh nineedal najj vindee zhit gwinzii gooyeheechey'aa ts'a' dahaa nagooveheelyaa geenjit jyaa diizhit t'inchy'aa. Gootee gwiizꝰ goo'ai' shro' niindhan gaa shroodiinyaa giheelyaa ts'a' goovaa gweheezyaa zhrih yiindhan.

²⁸ Ajj gwik'it ch'akai' najj nakhwa'at eenjit ch'et'igwiniindhan akhwa'ij, deegwaht'oo ideet'ohthan gwik'it. Juu da'at eenjit ch'et'igwiniindhan di'ij t'ee ideenjit ch'et'igwiniindhan di'ij t'oonchy'aa. ²⁹ (Ch'ihlee gaa iditr'ii'ee kwaa gaa gwinzii adak'aantii t'oonchy'aa. Christ, ditr'igiinkhii zheh nineedal najj k'aqhtii gwik'it. ³⁰ Tr'igiinkhii zheh nineedal tr'iinlii geh'an vatthaj' tr'iinlii k'it t'oonchy'aa.) ³¹ Dehtly'aa Choh zhit jyahts'a' gwadanakhwat'oo, "Dinjii, diti' ts'a' dahan haa ihleeheehaa ts'a' da'at ts'a' nideecheehaa. Ajjts'a' nihlaa ch'ihlak giheelyaa."

³² Jii ginjik tee h'didlii eech'oorahthan geegoh'it goo'arii k'it t'oonchy'aa, Christ ts'a' tr'igiinkhii zheh haa nihlaa doonchy'aa aji geegihkhii t'ihnyaa. ³³ Jii ginjik chan nakhweenjit t'inchy'aa, dinjii najj nakhwatee gwagwahaanchy'aa ts'a' nakhwa'at eenjit ch'et'igwiniindhan akhwa'ij, deegwaht'oo ideenjit ch'et'igwiniindhan akhwa'ij gwik'it ts'a' ch'a'at najj nakhwatee gwagwaanchy'aa ts'a' nakhwakai' yinjiihkhadhoh'ee.

Tr'iinin ts'a' Ch'iyehghan Haa Deegihee'yaa Goo'arii

6 ¹ Tr'iinin najj, K'eegwaadhat vaa kheihlak qhlij geh'an, nakhwayehghan k'eegohthat. Jii jyaa dakhwa'in t'ee lyaa gwinzii t'akhwa'in t'akhwa'in. ²⁻³ Dehtly'aa Choh zhit jyaa digwinyaa "Nakhwati' ts'a' nakhwahan haa yinjiihooh'ee! Jyaa dakhwa'in ji', nakhwadiveegweheezyaa ts'a' dzaa nankat niighyuk goohqhdaii t'oonchy'aa." Jii nats'aa gwireheendaii gwinyaa ts'a'

gwadanakhwat'oo t'ee Vit'eegwijyahchy'aa tr'ookit deehee'yaa nyaq aji gwik'it t'ihche'yaa t'inchy'aa.

⁴Ch'iti' naji nakhwagii naji zhyaa k'iji gohtsyaa shro'! Gaa nats'ahts'a' K'eegwaadhat deegoo'ya' goovoonyaq gwik'it t'agoovohnyaq ts'a' geegoovohtan.

**Nats'aq Slaves, ts'a' Juu Goots'a' K'eedeegwaadhat
Haa Deegihee'yaa Goo'aii**

⁵Slaves naji dzaa nankat dinjii nakhwats'a' k'eedeegwaadhat naji k'eegohthat, nakhwadrii datthak haa gavoontat ts'a' gaveenjoh'ee, Christ deenyaq vik'eegohthat k'it gook'eegohthat.

⁶Nakhwagaq'h'in dai' gwizhrh gook'eegahohthat kwaa gaa nakhwadrii zhit datthak gwats'an khit gook'eegohthat, Christ va-slaves qh'iji geh'an Vit'eegwijyahchy'aa jyaa dakhwa'in nakhwahnyaq. ⁷Dinjii naji eenjit gwitr'it t'agoh'in kwaa, gaa shoo haa K'eegwaadhat veenjit gwitr'it t'agoh'in k'it t'akhwa'in. ⁸Jii ganoondaii, dinjii slaves tr'iinlii akwat dinjii slaves tr'iinlii kwaa, nihk'it gwinzii t'igwii'in ji' K'eegwaadhat geenjit diigwahookwat t'oonchy'aa.

⁹Slaves naji ts'a' k'eedeegwaadhat naji nakhwa-slaves gwinzii k'qohtii. Googwahohshii dohny'a' shro', nakhwan ts'a' nakhwa-slaves naji haa zheekat gwats'an ch'ihlak nakhwats'a' k'eedeegwaadhat t'oonchy'aa, ajiits'a' dinjii naji datthak nihk'it eneahdak t'inchy'aa.

**Vit'eegwijyahchy'aa Jidii Vaaniveet'arah'in
Datthak Diinant'eiinlii**

¹⁰Jii t'ee khaiinkqo nakhwats'a' shiginjik t'inchy'aa. Khoht'aii geenjit K'eegwaadhat vats'an t'aih qh'iji, lyaa vat'aii nint'aii t'inchy'aa. ¹¹Vit'eegwijyahchy'aa jidii vaa niveet'ahoh'yaa geenjit nakhwant'eegwin'aji kwaii datthak teegoht'a'. Nijin Ch'anky'aa Tr'aanduu nakhwak'eegwandaii ji' gaii'inakhwahtsyaa kwaa ts'a' vats'a' niveet'ahoh'yaa geenjit. ¹²Dinjii naji haa niveet'arah'in t'igwii'in kwaa, gaa ch'anky'aa tr'aanduu ts'a' gookhaihkwaai naji ts'a' nich'itsarahthat t'igwii'in, aji naji t'ee juk gweendaa jii nankat gwats'a' k'eedeegwaadhat ts'a' zhee zhit gwats'an tr'aanduu iizuy naji chan ts'a' niveet'arah'in t'igwii'in. ¹³Jyachts'a' geh'an Vit'eegwijyahchy'aa jidii vaa niveet'ahoh'yaa

nakhwant'leegwiin'ajii kwaii datthak ohjii. Nijin ch'ankey'aa tr'aanduu nakhwak'eegwandaii ji' duuyeh vits'i' oogal geenjit. Ndaagwaan'aj' gwats'a' datthak niveet'oh'in akhagahohjyaa kwaa geenjit.

¹⁴Geenjit gwinzii shreedoonjii. Dinjii hi'didlii ohlii. Aji hi'didlii t'ee tthah vaa k'ideereehendik geenjit naraazhii k'it t'inchy'aa. Vit'eegwijyahchy'aa vik'eegohtat, nijn deekhwa'yaa nakhoonyaa gwik'it t'akhwa'in dai' nakhwadrihtsii ch'iitsii gwach'aa nakhwanoolik k'it t'oonchy'aa aji tsin t'ahohjyaa gwits'i' nakhwak'aahtii t'oonchy'aa. ¹⁵Khit Gwandak Nizii k'injiinghit aji vats'an tsinehdan gwanlii. Aji jii nakhwakwai' kat dachan kwaiitryah noonzhii ts'a' nakhwak'injigwiighit akhagoonyaa kwaa t'oonchy'aa. ¹⁶Tseenjyaa Jesus Christ vik'injuhkhith, aji nakhwagwik'injigwiighit t'ee ch'iitsii k'ik nakhwats'ooghii dha'aa k'it t'inchy'aa. Nakhwagwik'injigwiighit t'ee tr'aanduu vik'i' gal tsii kq' daak'a' ts'i' adak'oqontii t'oonchy'aa, nijn nihlich'iighan dai' ch'iitsii k'ik haa tsint'igeheenjyaa gwits'i' giyuuta' k'it t'ohchy'aa. ¹⁷Vit'eegwijyahchy'aa iyaa neenakhwahshii gaakhwandaii, niveet'oh'in gwa'an nakhwareheendal gwits'i' ch'iitsii ts'eh noon'aji k'it t'ohchy'aa. Vit'eegwijyahchy'aa viginjik nakhwanli' haa gwinzii ohta', aji t'ee Ch'ankey'aa Shroodiinyaa shrii choo veek'i' neekwaii gwanlii nakhwant'leiin'aji k'it t'inchy'aa. ¹⁸Nijn Ch'ankey'aa Shroodiinyaa jyaa dakhwa'in nakhwahnyaa dai', Vit'eegwijyahchy'aa jidii datthak geenjit nakhwats'iheenjyaa eenjit vats'a' khagadohjii. Nijn khagadohjii dai' gwak'oqhtii ts'a' Vit'eegwijyahchy'aa k'injiighit naji datthak eenjit khagadohjii chan akhagohnya' shrq'!

¹⁹Shant'ee sheenjit khagadohjii, Vit'eegwijyahchy'aa ginjik nizii shats'an iltsaji aji naljat kwaa haa eegihikhyaa geenjit. Jyachts'a' gwik'iighai' jidii Gwandak Nizii, Vit'eegwijyahchy'aa diits'a' gwigwiikii aji hi'didlii haa dinjii naji haa gwahaldak geenjit. ²⁰Jesus Christ Vagwandak Nizii eech'oohaachyaa eenjit gwiteetr'ashahchii t'oonchy'aa, aji geh'an juk dzaa zeh gwaazhraji dhiidii ts'a' Gwandak Nizii eech'oohaachyaa gwizhrh goo'aa, ajits'a' naljat kwaa haa t'ishi'yaa geenjit Vit'eegwijyahchy'aa vats'a' sheenjit khagadohjii.

Jii Dęhtly'aa T'ee Ndaanaa'aj'

²¹Diichaa, Tychicus iyaa K'eegwaadhat k'injiighit ts'a' veet'igwiindhan t'ee shagwandak datthak nakhwaa gwahaandak

t'inchy'aa, deeshi'in ts'a' sheenjit doonchy'aa gaahahkhwandaii geenjit. ²²Diinaa doonchy'aa nakhwaagwahaandak geenjit nakhwats'a' naalchij t'inchy'aa, ts'a' nakhwadrii nint'aii hahtsyaa geenjit chan.

²³Gwik'injiighit naji, Vit'eegwijyahchy'aa Gwiti' ts'a' K'eegwaadhat Jesus Christ k'iighai' tsinehdan nakhwaa ooli', khit ts'a' Christ k'injuhkhith ts'a' ch'heet'igwiniindhan nihteenjit akhwa'ij nakhwats'an gohtsyaa. ²⁴Juu K'eegwaadhat Jesus Christ eenjit ch'heet'igwiniindhan ndaanaa'aji' kwaa di'ij naji, Vit'eegwijyahchy'aa nakhwats'a' ch'eegoonzhrij ool'i'.